



Broj: 01/3-50-1-3-33/09

Sarajevo, 18. juna 2009.

Z A P I S N I K

33. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 18. juna 2009.

Sjednica je počela u 13 sati.

Sjednicom je predsjedavao predsjedavajući Komisije Slavko Jovičić.

Sjednici su prisusvovali članovi Komisije: Šemsudin Mehmedović, Mehmed Suljkanović, Hadži Jovan Mitrović, Salko Sokolović i Željko Kuzmanović.

Odsustvo su opravdali članovi Komisije: Jerko Ivanković Lijanović, Jozo Križanović i Ekrem Ajanović.

Sjednici su također prisustvovali: Martin Raguž - poslanik u Predstavničkom domu Parlamentarne skupštine BiH, Samir Sabljica - šef odsjeka u Ministarstvu vanjske trgovine i ekonomskih odnosa BiH, Enes Šerifović - stručni savjetnik u Ministarstvu vanjske trgovine i ekonomskih odnosa BiH, Dragiša Stanković - član Konkurencijskog vijeća, Zoran Brkić - viši stručni saradnik u Sektoru za odnose s javnošću PSBiH, Radomir Marjanović - stručni savjetnik i Sonja Abdulovski - stručni saradnik u Komisiji za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 32. sjednice Komisije;
2. Razmatranje Prijedloga zakona o izmjenama i dopunama Zakona o konkurenciji (predlagač: Vijeće ministara BiH) na osnovu člana 110. Poslovnika Predstavničkog doma s amandmanima, radi dostavljanja izvještaja Predstavničkom domu;
3. Realizacija Zaključka s 50. sjednice Predstavničkog doma donesenog povodom Informacije o poplavama u Popovom polju, rijeci Krupi i na području Hutovog blata i utvrđivanje konačnog teksta mišljenja za sjednicu Predstavničkog doma;
4. Tekuća pitanja.

Ad-1. Usvajanje Zapisnika 32. sjednice Komisije

Zapisnik 32. sjednice Komisije usvojen je jednoglasno, bez primjedbi.

Ad-2. Razmatranje Prijedloga zakona o izmjenama i dopunama Zakona o konkurenciji (predlagač: Vijeće ministara BiH) na osnovu člana 110. Poslovnika Predstavničkog doma s amandmanima, radi dostavljanja izvještaja Predstavničkom domu

Predsjedavajući Slavko Jovičić istakao je u uvodnim napomenama da je Vijeće ministara BiH, 29.4.2009., Parlamentarnoj skupštini BiH uputilo Prijedlog zakona o izmjenama i dopunama Zakona o konkurenciji na razmatranje po osnovnom zakonodavnom postupku.

Predstavnički dom, na 54. sjednici, održanoj 27.5.2009., usvojio je Prijedlog zakona u prvom čitanju.

Konstatirao je da su amandmane na tekst predloženog zakona pravovremeno dostavili: Jozo Križanović (dva amandmana), Šemsudin Mehmedović (dva amandmana) i Slavko Jovičić (četiri amandmana). U skladu s članom 109. stav (2) Poslovnika, predsjedavajući je na sjednici Komisije predložio tri amandmana.

U raspravi su učestvovali: Slavko Jovičić, Dragiša Stanković, Samir Sabljica i Šemsudin Mehmedović.

Samir Sabljica je, u ime predlagača zakona, istakao da su u Prijedlogu zakona uočene tehničke greške, npr. nazivi članova koje treba brisati, što je i predviđeno amandmanima. Predlagaču je neprihvatljiv Amandman I. Šemsudina Mehmedovića, jer je prag od 2.000.000 KM nizak i nije u skladu s evropskim standardima u kojima je primjetna tendencija povećanja, a ne smanjenja, dok je Amandman II. Šemsudina Mehmedovića prihvatljiv.

Predlagaču je prihvatljiv i Amandman I. Jozе Križanovića, koji je sličan amandmanu Šemsudina Mehmedovića, dok Amandman II. nije prihvatljiv. U nastavku izlaganja istakao je da je Amandman I. Slavka Jovičića od 5. juna 2009. prihvatljiv, a Slavko Jovičić odustao je od amandmana II. i III. Također je istakao da su amandmani I., II. i III. Slavka Jovičića podneseni na sjednici Komisije prihvatljivi.

Nakon rasprave Komisija je glasovala i izjasnila se o amandmanima i Prijedlogu zakona kako slijedi:

Amandman I. Šemsudina Mehmedovića na član 8., koji glasi:

U članu 14. u stavu (1) riječ „namjeravanu“ briše se, a ostali dio teksta ostaje nepromijenjen - usvojen je jednoglasno.

U istom članu u stavu (1) u tački b) iznos „5.000.000. KM“ zamjenjuje se iznosom „2.000.000 KM“ - usvojen je s tri glasa „za“, jednim glasom „protiv“ i dva glasa „suzdržan“.

Amandman I. Jozе Križanovića na član 8., koji glasi:

U članu 14. stav (1) u tački b) riječ „svakog“ briše se“ - nije usvojen.

Amandman II. Jozе Križanovića na član 10., koji glasi:

U članu 10. stav (1) iza riječi „ovog zakona“ stavlja se tačka, a ostali dio teksta se briše - jednoglasno je usvojen.

Amandman I. Slavka Jovičića na član 7., koji glasi:

U članu 11. stav (3) izmjenama Zakona postaje stav (2) iza riječi „smatra se da“ dodaje se riječ „se“ .

U istom članu u stavu (4), koji ovim izmjenama postaje stav (3), u trećem redu iza riječi: „ne zloupotrebljava“ riječ „se“ briše se - jednoglasno je usvojen.

Slavko Jovičić podnio je tri amandmana na osnovu člana 109. stav (2) Poslovnika:

Amandman I.

U svim članovima Prijedloga zakona o izmjenama i dopunama Zakona o konkurenciji, od člana 1. zaključno s članom 24., brišu se nazivi članova - jednoglasno je usvojen.

Amandman II.

U članu 12. stav (9) Zakona o konkurenciji, koji ovim izmjenama postaje stav (10), broj (8) zamjenjuje se brojem (9) - jednoglasno je usvojen.

Amandman III.

U članu 14. stav (1) mijenja se i glasi:

Naslov člana 30. mijenja se i glasi: „(Dokumentacija uz prijavu koncentracije)“ - jednoglasno je usvojen.

Zaključeno je da je potrebno izvršiti nomotehničku obradu teksta Zakona i ispoštovati Jedinstvena pravila za izradu pravnih propisa u institucijama Bosne i Hercegovine.

Nakon glasanja o amandmanima Komisija je jednoglasno prihvatila Prijedlog zakona s usvojenim amandmanima, te će Predstavničkom domu predložiti usvajanje Zakona o izmjenama i dopunama Zakona o konkurenciji.

Ad-3. Realizacija Zaključka s 50. sjednice Predstavničkog doma donesenog povodom Informacije o poplavama u Popovom polju, rijeci Krupi i na području Hutovog blata i utvrđivanje konačnog teksta mišljenja za sjednicu Predstavničkog doma

Predsjedavajući Komisije rekao je u uvodnim napomenama da je usvojena radna verzija mišljenja s prijedlogom zaključaka, razmatrana na 32. sjednici Komisije, s prijedlogom za korekciju i dopunu zaključka broj 3, koji je trebalo usaglasiti s članovima delegacije koji su prisustvovali sastanku održanom 11.5.2009. u Općini Ravno.

Istakao je da je na 33. sjednici Komisije neophodno utvrditi konačni tekst zaključaka radi dostavljanja mišljenja Predstavničkom domu na razmatranje.

Također je napomenuo da su Slobodan Šaraba i „Elektroprivreda Republike Srpske“ - Zavisno preduzeće Hidroelektrane na Trebišnjici - naknadno dostavili prijedlog zaključaka.

U raspravi su učestvovali: Martin Raguž, Mehmed Suljkanović i Slavko Jovičić.

Martin Raguž rekao je da dostavljena verzija Mišljenja, u kojoj su sadržani prijedlozi zaključaka, zadovoljava i daje smisao cjelokupnom radu. Stavovi Slobodana Šarabe i Hidroelektrana na Trebišnjici već su uvršteni i sadržani u prijedlogu Komisije, izuzev drugog dijela stava 2. Hidroelektrana na Trebišnjici kojim bi trebalo dopuniti stav 5. Prijedloga zaključaka.

Mehmed Suljkanović rekao je da je pratio aktivnosti vezane za poplave i može ih samo pohvaliti, jer kada se jedno izuzetno važno pitanje riješi kompromisom - to može biti primjer za rješavanje eventualnih budućih problema.

Slavko Jovičić predložio je članovima Komisije da usvoje Prijedlog zaključaka s dopunom Martina Raguža, što predstavlja tekst konačnog Mišljenja koje treba uputiti Predstavničkom domu na usvajanje uz obavezu MVTEO da trajno prati ovu problematiku na cjelom prostoru Bosne i Hercegovine.

Komisija je jednoglasno podržalo konačan prijedlog zaključaka koje je potrebno ugraditi u Mišljenje i dostaviti ga na razmatranje Predstavničkom domu.

Ad-4. Tekuća pitanja

Salko Sokolović predložio je da na jednoj od narednih sjednica Komisije bude zakazan sastanak s predstavnicima Agencije za sigurnost hrane BiH. Tema razgovora bila bi informacija o problemima s kojima se Agencija susreće u radu.

Članovi Komisije jednoglasno su prihvatili ovaj prijedlog.

Sjednica je završena u 14,30 sati.

Sekretar Komisije
Emira Češljarić

Predsjedavajući Komisije
Slavko Jovičić